



Naalakkersuisoqarfik

Ulloq / Dato 26.
April 2023
All. nr. / Brev nr.
J. nr.
Sull. / Sagsbeh.

lok.

Tusarniaaneq Ilaqutariit Sulliffianut tunngasoq

Aallaqqaasiutigalugu Qeqqata Kommuniata erseqqissaatiginiarpaa, Inatsisartut Inatsisaat nr. 29. 17. november 2017-imeersumi Kommunit ingerlanneqarnerani inatsimmi § 1 naapertorlugu Kommunit ingerlataminnut nammineerlutik aalajangiisinnaanerat, uani siunnersuummi allanngortinniarneqalerma.

Kommunit namminerisaminnik ingerlatsivimminni, kommunimi pisariaqartitsineq pisinnaasallu aallaavigalugit ingerlatsivimminni pingaarnersiuneq aallaavigalugu, qanoq ingerlatsisoqarnissaa Kommunalbestyrelsimi aalajangerneqartarpoq. Tamanna una inatsisissatut Naalakkersuisut siunnersuutaat aqutugalugu allannguiniarneq ippinnarpoq, akuersaarneqarsinnaananilu.

Familiecenterinik 2005 / 2006 nalaanni, pilersitsinerup kingorna ineriartorneq, ilaatigut Naalakkersuisoqarfik peqatigalugu ingerlanneqartarsimapput, kommunalbestyrelsi ingerlatsinermi allannguutissanik akisussaasutut inissisimajuarsimalluni, tamatuma allanngortinniarneqarnera Qeqqata Kommunianiit iluarineqanngilaq.

Innuttaasut pisariaqartitai aallaavigalugit pingaarnersiuneq, Qeqqata Kommuniani ingerlanneqartarpoq, taamatuttaarlu Qeqqata Kommunalbestyrelsiata ukioq 2022-ip naajartornerani, Meeqqanik angerlarsimaffiup avataanut inissinaveersaanissaq siunertaralugu, meeqqallu angerlarsimaffiup avataanut inissinneqarsimasut angerlartinneqarnissaanut periusissiaq akuerineqarluni aalajangiunneqarpoq.

Periusissiaq taassuma iluatsinnissaani kommunitsinnut pingaaruteqarlunnaarpoq, Ilaqutariit Sullissiviisa marluusut aqunneqarnerat siunissamilu ineriartortinneqarnissaat, periusissiaq kommunalbestyrelsemi aaliangiunneqarnikoq naapertorlugu ingerlatsisoqarnissaa. Taamaattumik Qeqqata Kommuniata iluarinngilluinnarpaa, Naalakkersuisut Inatsimmi Kommunit pisinnaatitaaffiisa annikillisarnerisigut ingerlatsisoqalernera. Naak tamanna 2019 missaani Qallunaat Kalaallilu suleqatigiinneranut atatillugu paasinarsereeraluartoq peqqinnissaqarfimmit / Allorfimmit iluarineqanngitsoq isumaginninnermi allaffeqarfimmi Ilaqutariit Sullivanut

*Qeqqata Kommunianut saaffiginnittoqartassaaq, inunnut ataasiakkaanut pinani.
Henvendelse bedes adresseret til Qeqqata Kommunia og ikke til enkeltpersoner.*

innersuussisinnaaneq iluarineqanngitsoq – tamanna immaqa kukkunikkut tusarniaanermi ilanngullugu oqaaseqaatigisimasaatigut nassiuttoornikkut takuneqarsinnaasimasog.


Tassunga atatillugu eqqaassutigissavarput, Kommuneraajussuit pilersinneqarnialerneranni tunngaviusumik kommuninut neriorsuutigineqarnikuummat, aammalu tunngaviulluinnarmat marloqiusamik ingerlatsinerup qimakkiartorneqarnissaa, allaffissornikkut sipaaruteqarnissaq kiisalu, kommunit ukiut ingerlanerani annertunerusumik akisussaaffimmik tigusiartornissaat siunertaammat.

Inatsimmik allannguiniarnermi tunngaviginierneqarpoq Qallunaat / Kalaallillu suleqatigiiffiat, sunamitaava peqqutaava? Apeqqusernarluni ilumut Qallunaat Naalakkersuisuisa piumasarineraat Ilaqutariinnut Sullissiviit kommuninut akisussaaffigineqarunnaarnissaat? Kommuninili maluguniarneqartut ilagaat Socialstyrelsi kommunalbestyrelsit avaqqullugit Ilaqutariinnut Sullissivinnik aqutserusunnerat, ilaatigut ukiuni kingullerni tamanna annertuumik kommuninut maluginierneqarsimavoq – kommunimi aqutsisut, avaqqullugit Ilaqutariinnut Sullissivinnut attaveqartarneq – aqutsiniarnerlu. Tamanna kommuninut ippigineqartarpoq uparuaataasarlunilu, tassami kommunit akisussaaffiinik ataqqinninngitsutut isigineqarami.

Inatsimmik allannguiniarnermi nalininnaasarpoq ingerlanerliortoqartillugu pitsaanerusumik ingerlatsitsinissaq anguniarlugu, Qeqqata Kommuniariniit paaserusunnarpoq Ilaqutariit ingerlatsiviisa ingerlanneqarnerani suna naammaginngitsutut isigineqarnerisog? Naalakkersuisoqarfiup / Socialstyrelsip annertunerusumik aqutsinermik tigusiarnera soorunami annertuumik ingerlanerliornermik aallaaveqarsimassammat – tamanna itisileqqunarpoq.

Tusarniaassutip aappaanut atatillugu, Qeqqata Kommuniata maluginiernikuuvaa ukiuni kingullerni, Socialstyrelsip ulloq unnuarlu angerlarsimaffimmut inissinniaraluakkagut ilaatigut tiguneqarsinnaaneq ajortut, aammalu kommunimut akisussaaffik tunniunneqartartoq.

Med venlig hilsen



Martha Lund Olsen
Velfærdsdirektør